



# ՎԵՐՋ ՏԱԼ ՏԱՐԱԶԻՐ ԱՐԵՎՄՏԱՀԱՅՈՒԹԵԱՆ ԻՆՔՆԱՄՈՒԱՑՈՒՄԻՆ

Posted on May 2, 2016 by Keghart



Category: [Opinions](#)



✘ LԳԾ-ի վարչութեան անունով՝

**Մեթր Գ. Տերտերեան, Պէյրուք, Մայիս 2016**

**Լիբանանահայ Գրական Շրջանակը** (ԼԳԾ) իր հիմնադրութեան օրէն՝ չէ եղած **ինքնանպատակ** շարժում մը, այլ գաղափարական **յառաջապահ** հոսանք մը, որ կը բարեշրջէ ինքզինք, քայլ պահելով՝ մեր ժողովուրդի ներքին զարգացումներուն, նաեւ՝ միջազգային դրական տեղաշարժերուն հետ, եւ եթէ տեսնէ թէ՛ այլեւս անելիք չունի... պատրաստ է **կասեցնելու** իր գործունեութիւնը առանց վարանումի:

✘ LԳԾ-ի վարչութեան անունով՝

**Մեթր Գ. Տերտերեան, Պէյրուք, Մայիս 2016**

**Լիբանանահայ Գրական Շրջանակը** (ԼԳԾ) իր հիմնադրութեան օրէն՝ չէ եղած **ինքնանպատակ** շարժում մը, այլ գաղափարական **յառաջապահ** հոսանք մը, որ կը բարեշրջէ ինքզինք, քայլ պահելով՝ մեր ժողովուրդի ներքին զարգացումներուն, նաեւ՝ միջազգային դրական տեղաշարժերուն հետ, եւ եթէ տեսնէ թէ՛ այլեւս անելիք չունի... պատրաստ է **կասեցնելու** իր գործունեութիւնը առանց վարանումի:

Ներկայ փուլին, ճիշդ է թէ՛ ԼԳԾ-ը կորսնցուցած է՝ յաջորդական մահերու եւ Լիբանանի ներքին պատերազմին պատճառած արտագաղթին պատճառներով, իր քատրերուն մեծագոյն մասը, բայց՝ տերն է բարեշրջուած գաղափարաբանութեան մը, որուն հիմքն է **համահայկականութիւնը**, եւ որուն ներկայ փուլին կարգախօսներն են՝ **արտերկրի մէջ՝ համահայկական ելակետով վերջ տալ Տարագիր Արեւմտահայրեան ինքնամոռացումի** տասնամեակներուն, եւ՝ **ինքնակազմակերպուիլ՝** կեդրոնական, ներկայացուցչական (ընտրովի) եւ իրաւական միակ լիազօր կառոյցի մը մէջ, որ տիրութիւն ընէ Սփիւռքին, օգտուելով միջազգային դրական տեղաշարժերէն, ձեռք բերելու համար միջազգայնօրէն ճանչցուած **իրաւական անձնաւորութիւն** (personne juridique) եւ այդ հանգամանքով հետապնդելու Արեւմտահայաստանի հողային դատը միջազգային ատեաններու առջեւ, իսկ **Արեւելահայաստանի մէջ՝** վերացումը հոն տիրող ապագային, օլիգարխիական, վայրի դրամատիրական համակարգին, որ հայաթափեց երկիրը եւ թալանեց անոր ստորգետնեայ եւ վերգետնեայ հաստատութիւնները, եւ հոն հաստատումը՝ ազգային ու **համահայկական շահերու հետամուտ** ժողովրդահայրենասիրական համակարգի մը:

Եւ՝ միջազգային դրական տեղաշարժերն են՝ **միաբեւեռ** վայրի դրամատիրական աշխարհակարգին մայրամուտը, եւ նոր **բազմաբեւեռ** առաւել հաւասարակշռուած ու մարդկայնական աշխարհակարգի մը ծագող արշալոյսը, որ առաւել պիտի երաշխաւորէ **հայրենագուրկ** ժողովուրդներու իրաւանց յարգումն ու վերականգնումը, այնպէս ինչպէս տեղի ունեցաւ 20-րդ դարու 70-ականներուն, **երկբեւեռ** աշխարհակարգի ժամանակներուն, երբ գրեթէ ամբողջական լուծարքի ենթարկուեցաւ աշխարհի գաղթատիրական համակարգը, եւ տասնամեակներով նախկին գաղութներ եւ կիսագաղութներ տիրացան իրենց անկախութեան եւ անդամակցեցան Միացեալ Ազգերու Կազմակերպութեան, որուն անդամ պետութիւններուն թիւը բարձրացաւ 54-էն՝ 194...:

Եթէ սխալած չենք, ունինք այն համոզումը թէ՛ ձեր ղումաշով մտաւորականներու միտքին ու սիրտին հաշտ կը խօսին ԼԳԾ-ի այս գաղափարաբանութիւնն ու փողային երկու կարգախօսները, կը հրաւիրենք ձեզ մաս կազմելու յառաջիկայ Յուլիսի առաջին Կիրակին ընտրուելիք մեր նոր վարչութեան:

Աւելորդ չըլլար հաւանաբար երկու վերոյիշեցումներ:

Առաջինը, թէ՛ ԼԳԾ-ը ունի պետական պաշտօնական արտօնագիր իբր մշակութային անկուսակցական միութիւն, եւ մինչեւ օրս լիովի կատարած է իր բոլոր պարտաւորութիւնները պետութեան հանդէպ, եւ երկրորդը թէ՛ անցեալէն ալ վայելած է մասնակցութիւնը ոչ միայն կոմունիստ, այլեւ ռամկավար, հնչակեան եւ ճախակողմեան անկուսակցական մտաւորականներու, որոնց շարքին՝ Վահէ-Վահեանի, Չարեհ Մելքոնեանի, Երուանդ Պարսումեանի, Տոքթ. Տիգրան Վարժապետեանի, Յակոբ Նորունիի, Յարութիւն Թորոսեանի, Յարութիւն Մաթեանի, Սարգիս Վահագնի, Սահակ Թութեանի, Յակոբ Սարգիսեանի, Վարուժան Պետիկեանի, Լեւոն Վարդանի, Լեւոն Թորոսեանի, Սարգիս Խայեանի, Գաբրիէլ Մոլոյեանի, Պերճ Ֆազլեանի, Ժիրայր Նայիրիի, Սարգիս Արմէի, Աբրահամ Տէտէեանի, Արամ Սեփեթեանի, Ժիրայր Դանիէլեանի, Խաչիկ Փիլիկեանի, Յովհաննէս Փիլիկեանի եւ մի քանի տասնեակ նմաններու:

Մեր համոզումով ԼԳԾ-ի հոսանքին շարունակականութիւնը հրատապ անհրաժեշտութիւն է ներկայի պայմաններուն մէջ, երբ Սփիւռքն ու Արեւելահայաստանը կը պարզեն երկու անտիրական արշակաւաններ, որոնք դէպի համահայկականութիւն պահանջուած **շրջադարձը** չկրցան կատարել նոյնիսկ Տարագրութեան (Արեւմտահայաստանի կորուստի) եւ Ցեղասպանութեան զոյգ ոճիրներու 100-րդ տարելիցին մեծ ստուգատեսին:

Հետեւաբար, ԼԳԾ-ի գաղափարաբանութեան շարունակականութիւնը համահայկական հրամայական մը կը հանդիսանայ այն մտաւորականներուն համար, որոնք ունին ազգային յանձնառութիւն եւ հասարակական պատասխանատւութեան գիտակցութիւն:

Եթէ համոզուած էք այս հրամայականին, ակնդետ կը սպասենք ձեր դրական ընդառաջումին մեր ներկայ կոչին:

